

ԳԵՐԱՇՆՈՐՀ Տ. ՊԱՐԳԵՎ ԵՊԻՍԿՈՊՈՍ ԳԵՎՈՐԳՅԱՆ



Գերաշնորհ Տ. Պարգե Եպիսկոպոս Գևորգյանը, ավագանի անունով Քաջիկ, ծնվել է 1925 թվականի դեկտեմբերի 25-ին, Հայկական ՍՍՌ-ի Նղեզնաձորի շրջանի Նղեզիս գյուղում, գյուղացու ընտանիքում։ Մնողները՝ Հմայակ և Աստղիկ, եղել են միջակ տնտեսատերեր և զբաղվել են հողագործությամբ։

Քաջիկը մինչև 8-րդ դասարանը սովորել է Նղեզիս գյուղում, այնուհետև տեղափոխվել է Երևան և ավարտել է տասնամյա ուսումը։

1945 թվականին Քաջիկն ընդունվել է Ս. Էջմիածնի Հոգևոր Ճեմարանը և 1950 թվականին այն ավարտել հաջողությամբ։

1950—1953 թվականներին, լուսահոգի Տ. Գևորգ Ձ Կաթողիկոսի կարգադրությամբ, սովորել է Մոսկվայի Ռուսական Հոգևոր Ակադեմիայում, Զագորսկի վանքում։

1953—1954 թվականներին Մոսկվայում, պրոֆ. Հ. Կուսիկյանի ղեկավարությամբ, զբաղվել է հայագիտությամբ և պատմագիտությամբ։

1948 թվականին ձեռնադրվել է սարկավագ, իսկ 1954 թվականին՝ կուսակրոն քահանա, ձեռամբ Տ. Վահան արքեպիսկոպոս Կոստանյանի, 1956 թվականին ստացել է վարդապետական աստիճան Վաղգեն Ա Ամենայն Հայոց Վեհափառ Հայրապետից։

1956 թվականի օգոստոսի 1-ին նշանակվել է Մոսկվայի հայոց հոգևոր հովիվ և այս պաշտոնի մեջ էլ այժմ գտնվում է։

1956-ին և 1961-ին ուղեկցել է Վեհափառ Հայրապետին իբրև զավագանակիր, դեպի Միջին-Արևելք և Թուրքիա հայրապետական ճանապարհորդությունների առթիվ։

Գերաշնորհ Տ. Պարգե Եպիսկոպոս Գևորգյանը Մայր Աթոռի երիտասարդ և խոստումնալից միաբաններին է։

Մրբազանը պատմա-քանասիրական հոգվածներով միշտ իր աշխատակցությունն է բերել Էջմիածինն ամսագրին։

Վստահ ենք, որ Տ. Պարգե Եպիսկոպոսը կարողարացնի Վեհափառ Հայրապետի վստահությունը իր գործունեությամբ և իր բոլորանվեր ծառայությամբ, որպես երիտասարդ ուժ Վեհափառ Հայրապետի կողքին։